


D5 Kisérlettya



Erna Lauenburger jek terni szintkinya sztya, ako Berlinoszte nevelkedingya taj Magdeburgoszte géja te besen, aká családó la úja. Ando 1943-dikno bers la Erna lakere dú cshajenca AuschwitzBirkenauvoszte liginye, aká i Erna ánd' odá múja ánde, hogy o Josef Mengele orvosike kísérlettya kerlahi uppe late. Te lakere cshaja Auschwitzoszte múje. Lakero rom, o Otto Schmidt ando buchenwaldiko lágeri múja. I Erna Lauenburger inspirálingya le Alex Weddingo, kana íringya po Ede taj Unku címűno kenyvo le hurde cshávenge, aszoszte jek berliniko raklo ketháne barátkozinel jekhe szintike cshaha. O Ede taj Unku kenyvo maskar o dú világháborúvi o jek sztya andar o leghíresneder hurde cshávengere kenyvi ando Nyimciko, taj te pe fi Imoszte le liginye. Ando 2011-dikno bers Berlinoszte jek ucca Ede taj Unku uccake nevezingye.

1910

1951

1931-43

💡 Dschantschan tumen

... hogy but ezeri fogji – roma taj szinti, biboldóvi taj idegenne, but dzséne maskar lende hurde csháve – múje ando lágerja misto kísérlettya, aszo le SS-iszkere orvossa kernahi pe lende?

... hogy odona, ako túl dzsivgye adana kísérlettya, nyomorodingye pe pumaro celo íleto?

✍ Tumari buti

O orvossa soha nasti keren po naszvale kísérlettya bi odá, hogy ónk te na dzsannahi pálal vagy te na te hajonahi jek odoleha. Szo gondolinen, szoszke na ikergye ánde o orvossa adá szabáji?

📷 Uso kipo

O borítóvo le Alex Weddingoszkere kenyvoszke, o Ede taj Unku, kana először le dinye ári. O John Heartfi eldo le tervezingya palo kipo, pe szoszte i Erna Lauenburger hi pe barátóha, le Edeha. Malik Kiadóvo, Berlino, Nyimciko.



https://www.romasintigenocide.eu/romanes/d